

**Kultureqarnermut, Ilinniartitaanermut, Iisimatusarnermut Ilageeqarnermullu  
Ataatsimiititaliap**

**Kulturikkut ingerlatsineq sunngiffimmilu sammisassaqartitsineq pillugit Inatsisartut  
peqquussutaata nr. 10-p, 21. maj 2002-meersup allannguutissaatut siunnersuummik  
kingusinnerpaamik UPA 2016-imi saqqummiusseqqullugit Naalakkersuisut  
peqquneqarnissaannik Inatsisartut aalajangiiffigisassaattut siunnersuut,  
taamaaliornikkut kulturimut immikkut inatsimmik aammalu timersornermut  
immikkut inatsimmik suliaqartoqarsinnaaqqullugu.  
(Inatsisartunut ilaasortaq, Peter Olsen, Inuit Ataqtigiit)**

**Pillugu**

**ISUMALIUTISSIISSUTAA**

**Siunnersuutip aappassanneerreqarnerani tunniunneqartoq**

Kingullermik suliarinninnermini Kultureqarnermut Ilinniartitaanermut Iisimatusarnermut  
Ilageeqarnermullu Ataatsimiititaliaq ukuninnga inuttaqarpoq:

Inatsisartunut ilaasortaq Steen Lyngø, Atassut, Siulittaasoq  
Inatsisartunut ilaasortaq Vivian Motzfeldt, Siumut, Siulittaasup tullia  
Inatsisartunut ilaasortaq Randi V. Evaldsen, Demokratit  
Inatsisartunut ilaasortaq Siverth K. Heilmann, Atassut, sinniisussaq  
Inatsisartunut ilaasortaq Peter Olsen, Inuit Ataqtigiit  
Inatsisartunut ilaasortaq Iddimangiiu Jensen Bianco, Inuit Ataqtigiit, sinniisussaq

Ulloq 26. marts 2015 siunnersuutip siullermeerneqarnerata kingorna siunnersuut  
ataatsimiititaliamit suliarineqarpoq.

**1. Siunnersuutip imarisaa siunertaalu**

Siunnersuuteqartup siunnersuuteqarnermigut kissaatigaa UPA2016-mut Naalakkersuisut  
kultureqarnermut timersornermullu immikkut inatsisiliortoqarnissaanik suliniuteqaqqullugit.

Taamaaliornikkut siunnersuut una aqquitalugu kultureqarnermut timersornermullu inatsisip avissaartinneqarnissaat siunertarineqarpoq, taamaalillunilu inatsisartut peqqussutaata nr. 10. 21. maj 2002-meersup atorunnaarsinneqarnissaa ilanngullugu siunertarineqarpoq.

siunnersuuteqartup kissaatigaa, immikkoortut taakku marluk annertunerusumik sammineqarnissaasa suliniuteqarfigineqarnissaasalu qulakkeerneqarnissaat, kiisalu arlaannaataluunniit aapparminit aningaasatigut politikikkullu salliutinneqannginnissaa anguniarlugu. Ilanngullugulu siunnersuuteqartup siunnersuutikkut kissaatigaa, immikkoortuni taakkunani marlunni nutaanik tunngavissaqarluni sinaakutissanik suliniuteqartoqarnissaa.

## **2. Inatsisartuni siunnersuutip siullermeerneqarnera**

Siunnersuutip siullermeerlugu oqallisigineqarnerani Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaat nr. 10, 21. maj 2002-meersup pilersaarutaasumik nutarterneqarnissaa tunngavigalugu siunnersuut ikinnerussuteqartunik itigartinneqarnissaa innersuunneqarpoq. Taamatut oqariartuuteqarneq siunnersuummi matumani Naalakkersuisut akissuteqaataanni ilalerneqarpoq. Amerlanerussuteqartulli siunnersuut ilalerpaat, tassami Naalakkersuisut suliniuteqarniarneranni peqqussummik pineqartumik allatut tunngaveqartumik suliaqartoqarniarmat. Naalakkersuisut kulturimut kiisalu eqqumiitsuliornermut immikkut inatsisiliorqarnissaa siunertaralugu suliniuteqarput. Siullertut taaneqartoq timersorneq sunngiffillu pillugit inatsit tunngavissiissaaq.

Siunnersuutip matuma ataatsimiititaliamut suliassanngortinneqarneranut atatillugu, siunnersuut manna tunngavigalugu inatsisit atuuttut nutarterneqarnerannut atasumik sunngiffimmi sammisassaqaqtitsinerup sumut inissinneqarnissaa eqqartoqqullugu ataatsimiititaliaq kaammattorneqarpoq.

## **3. Ataatsimiititaliap siunnersuummik sularinninnera**

Aallaqqaasiullugu Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaat nr. 10, 21. maj 2002-meersup atuuttup nutarterneqarnissaata pisariaqarnera pillugu Inatsisartut Naalakkersuisullu isumaqatigiimmata ataatsimiititaliamit nuannaarutigalugu isiginiarneqarpoq. Siunnersuummik matuminnga suliaqarnermini ataatsimiititaliaq immikkoortunik pingasunik kultureqarnermut sunngiffimmilu sammisassaqaqtitsinermut inatsisini inissinneqartussaangitsunik, iluaqutaasumilli allanut inissinneqarsinnaasunik maluginiagaqarpoq.

### **3.1 Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaat nr. 10, 2002-meersup pillugu**

Inatsisartut peqqussutaata nr. 10, 2002-meersumi ilinniarnertuunngorniarnarfinni faginut ataasiakkaanut aalajangersagaqarnera pillugu ataatsimiititaliamit eqqumaffigineqarpoq.

Taamaalillugu paasineqarpoq Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaat nr. 4, 30. maj 2014-imeersumi (ilinniarnertuunngorniarfimmi ilinniartitsissutinik ataasiakkaanik ilinniartitsineq, ilinniarnissamut piareersarluni pikkorissarnerit, ilinniartitsissutinut minnerpaamik piunasaqaatit) atuuttoq taamaalillunilu marloqiusamik atuuffeqarluni. Inatsisartut inatsisaat nr. 4. 2014-meersoq tunngavigalugu ilinniarnertuunngorniarfimmi fagit ataasiakkaat neqeroorutigineqartarput.

Maleruagassap taassuma kultureqarnermut sunngiffimmilu sammisassaqaartitsinerimi pinnani ilinniarnertuunngorniarfiit pillugit inatsisiniinnissaa ataatsimiititaliamit isumaqarfigineqarpoq.

Kulturikkut ingerlatsineq sunngiffimmilu sammisassaqaartitsineq pillugit Inatsisartut peqqussutaata nr. 10-p, 2002-meersuni § 12-mut tunngatillugu innarluutilinnut aaqqissuussamik immikkut atuartinneqarnissamut neqerooruteqarpoq. Tunngaviatigut ataatsimiititaliaq isumaqarpoq innarluutillit pillugit inatsisip atuuttup iluani qulakkeerneqartariaqartut. Taamaalillugit inunnut innarluutilinnut pisinnaatitaaffiit pillugit inatsisit ataatsimoortinneqassapput, nunatsinni neqeroorutinik atuisuusinnaasunut inatsisinik atuinissamut aqqutissat oqinnerulernissaa qulakkeerneqassalluni.

Kultureqarneq, Timersorneq aammalu sunngiffimmi atuartitsineq pillugit qanorluunniit politikikkut inissisimaneq apeqqutaatinnagit ataatsimiititaliamit Naalakkersuisut kaammattorneqassapput inatsisip nutarterneqarnerani immikkoortut taakku pingasut eqqumaffiginiaqqullugit. Taamaammat ataatsimiititaliaq isumaqarpoq kultureqarnermut sunngiffimmilu sammisassaqaartitsinerimut inatsimmi aalajangersagaqartoq, assersuutigalugu sunngiffimmi sammisartaartitsinerminnatik allami inissinneqarsimasariaqaraluartunik.

Tamanna atuuppoq qulaani taaneqartumi marlunni, aammalu meeqqat atuarfiani misilitsinnissamut piareersaataasumik atuartitsinerimi. Taamaammat ataatsimiititaliap Naalakkersuisut eqqaasissavai Sunngiffimmi sammisassaqaartitsineq pillugu Inatsisartut peqqussutaat nr. 5, 9. april 1992-imeersuni makku sulii atuummata.

*§ 9. Ilinniartitsissutini ataasiakkaani ilinniartitsineq paasineqassaaq tassaasoq ilinniartitsineq meeqqat atuarfianni imaluunniit ilinniarnertuunngorniarfimmi (GU) ilinniagaasartunik naggataarutaasumik misilitsinnissamik siunertaqartoq.*

*§ 10. Ilinniartitsissutini ataasiakkaani ilinniartitsineq meeqqat atuarfianni ilinniagaasartunik naggataarutaasumik misilitsinnissamik siunertaqartoq aaqqissuunneqassaaq ukiuni ataatsimi imaluunniit ukiuni marlunni ingerlatassat.*

*Imm. 2. Ilinniartitsineq inersimasunut aaqqissuunneqartassaaq 19-inillu*

*ukioqalereersimasunut tamanut ammassalluni.*

*Imm. 3. Peqataajumasut ikinnerpaamik arfineq-pingasut nalunaarsimappata ilinniaqatigiit pilersinneqassapput.*

*Imm. 4. Peqataasut takkuttartut agguaqatigiissillugit amerlassusii sap. akunnerisa tulleriiginnaat sisamat ingerlaneranni sisamanit ikinnerulerpata ilinniaqatigiit atorunnaarsinneqassapput.*

*Imm. 5. Naalackersuisut ilinniartitsissutini ataasiakkaani ilinniartitsineq, takuuk imm. 1, pillugu maleruagassaliussapput.*

Inatsisartut kultureqarnermut sunngiffimmilu sammisassaqtitsinermit peqqussutaanni atuuttuni nr. 10. 2002-meersumi ikaarsaarnermi aalajangersakkani takuneqarsinnaavoq meeqqat atuarfiani misilitsinnissamat piareersaataasumik atuartitsineq suli atuuttoq. Tamatumunnga atatillugu Ataatsimiititaliamit Naalackersuisut kaammattorneqassapput kultureqarnermut, timersornermut sunngiffimmilu sammisassaqtitsinermit inatsisit nutarterneqarneranut atatillugu militsinnissamat piareersaataasumik atuartitsinermit aalajangersakkat meeqqat atuarfiat pillugu inatsisinut ilaeneri erseqqissassagaat.

### **3.2 Inatsisartut peqqussutaata nr. 10. 2002-meersup atuuttup immikkoortinneqarnera**

Soorlu Naalackersuisut ilisimatitsissutigigaat, Naalackersuisut tungaaniit inatsisartut peqqussutaata eqqumiitsuliornermut kiisalu kultureqarnermut sunngiffimmilu sammisassaqtitsinermit inatsisit avinneqarnissaat eqqarsaatigineqartoq.

Kalaallit Nunaanni eqqumiitsuliornermut inatsit ullutsinnut naleqquttoq atorsinnaasorlu eqqumiitsuliornerup silarsuaani eqqummaarinnissamat kajumissaataassagaluarpoq. taamaattorli ataatsimiititaliamit kulturip eqqumiitsuliornerullu avissaartinneqarsinnaanerit qularineqarpoq. Ataatsimiititaliamit apeqquserneqarpoq kulturip sukut uninnissaa eqqumiitsuliornerullu sukut aallartinnissaa Naalackersuisunit qanoq takorloorneqarnerseq. Eqqumiitsuliorneq aamma kultureqarneq inatsisitigut avissaartissagaluaaraanni sulinermit atorsinnaassanngillat kulturimummi killigitinneqartartut tigussaasuunngillat, kultureqarnermullu allanillu tamatumunnga assigusunik sulialinnik nassuiarneqartariaqarlutik, inatsisitigut pinnatik.

Inatsisitigut kultureqarnerup timersornerullu taakkununnga immikkoortunut marlunnut iluaqutaasumik avissaartinneqarnissaat ataatsimiititaliamit paasilluarneqarpoq. Taamaalilluni avitsineq taakkununnga immikkoortunut marlunnut arlaannaannulluunniit ajoqutaanngikkaluartumik annertunerusumik iluaqutaasussaavoq.

Kultureqarnermut inatsit politikikkut kultureqarnermut sinaakkutaasussaavoq. Timersornermut inatsit uluinnarni timersornermik atuisunut ilaatigut peqqissutsikkut inuttullu annertuumik aallussinerulernermit iluaqutaasussaavoq. Kultureqarnermik timersornermillu

atuisoqartariaqarpoq politikkimik ingerlanneqartumik pingaernerutitsisunik. Siunnersuutip uuma pilersinniarneqarnerani ataatsimiititaliamit Naalakkersuisut kaammattorneqassapput kulturimik timersornermillu atuisut sapinngisamik assigiinngitsut amerlasuutigut peqataatinneqarnissaat anguniaqqullugu.

### **3.3. Sunngiffimmi atuartitsineq pillugu**

Ilisimasanik, piginnaasanik aammalu sunngiffimmi sammisassaqtitsinerup iluani immikkoortuni neqeroorutigut piginnaasanik annertusaanissamut atuartunut sunngiffimmi sammisassaqtitsinerup tapertaanera ataatsimiititaliamit ilisimaneqarpoq. Taamaalillunimi sunngiffimmi atuartitsineq eqqumiitsulioriaatsit iluani soorlu, nipilersornermi, atuartup piginnaasaasa qaffassarneqarnerini kiisalu atuartut inuussutissarsiorsinnaalernissaannut kaammattuutaalluni. Peqatigisaanillu ataatsimut isigalugu sunngiffimmi sammisassaqtitsinerup timersornerup kulturillu inunnut ukiui aammalu inuiaqatigiinni qanoq inissisimaneri apeqqutaatinngit ilisimasaqarnerulernissaannut sakkuusussaavoq.

Susassaqarfiit aalajangersimasut iluanni ilisimasanik piginnaasanillu annertusaanissamut periarfissatut Sunngiffimmi sammisassaqtitsineq ataatsimiititaliamit isigineqarpoq. Taamaalillunilu pineqartumi matumani sunngiffimmi sammisassaqtitsineq immikkut ingerlatsinerunani kulturimut timersornermillu ikorfartuutinngorpoq.

### **4. Siunnersuutip aningaasatigut kingunerisassai**

Inatsisartut suleriaasaanni § 33 imm. 1-mi takuneqarsinnaavoq, aalajangiussassatut siunnersuutip allaffissornermi aningaasatigullu kingunerisassai siunnersuutip tunngavilersuutaani allassimassasut

Ataatsimiititaliamit maluginiarneqarpoq siunnersuutip piviusunngortinneqarnerani aningaasatigut kingunissaritinneqartut naatsorsuutigineqartunut naleqquttut, tassa timersornermut kiisalu kultureqarnermut inatsisit suliarineqarneranut Namminersorlutik Oqartussat AC-mut ukioq ataaseq aningaasartuutaasartunut naleqquttuusut, 500.000 kr. Atorneqassasut Taamatut naatsorsuineq ataatsimiititaliamit naammagisimaarneqarpoq, Naalakkersuisut pilersaarutaattut kultureqarnermut sunngiffimmilu sammisassaqtitsinermut peqqussutip maannamut atuuttup avissaartinneqarnissaannik suliamut naleqqullutik.

**5. Ataatsimiititaliap inassuteqaataa**

Ataatsimiititaliap **isumaqatigiittup** matumuuna allannguutissasut siunnersuut ima oqaasertaqartoq saqqummiuppaa:

**”Kulturikkut ingerlatsineq sunngiffimmilu sammisassaqaartitsineq pillugit Inatsisartut peqqussutaata nr. 10-p, 21. maj 2002-meersup nutarterneqarneranut atatillugu kultureqarneq pillugu inatsimmik siunnersuuteqarnissaannik peqquneqarnissaannik siunnersuut, tassunga ilanngullugit kultureqarnermut inatsimmut sunngiffimmi sammisassaqaartitsineq tamatumunnga tunngassuteqartoq ilanngunneqassasoq kiisali immikkut timersornermut inatsimmik sunngiffimmi sammisassaqaartitsineq tamatumunnga tunngassuteqartoq ilanngunneqarluni.”**

Ataatsimiititaliap **isumaqatigiittup** matumuuna allannguutissasut siunnersuut akuerineqaqqullugu innersuussitigaa

Taama oqaaseqarluni kiisalu isumaliutissiisummi oqaatigineqartunut paasinnilluni ataatsimiititaliap siunnersuut aappassaanniingassanngortippaa

---

Vivian Motzfeldt,  
Siulittaasuugallartoq

---

Siverth K. Heilmann

---

Randi V. Evaldsen

---

Peter Olsen

---

Iddimangiiu Jensen Bianco